

— Юсуфжон акам сахнада!

— Машхур кизигимиз Юсуфжон ака Москвага келибдирида бирор сахнада кизиклик килибдири. 1923 йилда бўлиб ўткан бутун иттифок дехкончилик кўргазмасига аралошкон Юсуфжон акам ўшанда Москав сахнасига (тўгриси: майдонига) бир кур чиккон эди. Демак, бу янгилик бўлмайди. Янгилик шундадирким, бу чоккача кизик сифатида сахна ва майдонларга чикиб келган Юсуфжон ака, бу йил Москав сахнасига (сахнасига!) мухаррир, ёзгувчи, фожеъанавис сифатида чикди. Бу кунги сухбатимиз ана ўша тўгрисида.

Юсуфжон акамнинг хар каерда неча йиллардан бери айтиб келган бир кулги хикояси бор. Унда, бир имом домланинг — номоз вактида галати хийла килиб маҳалладан икки йиллик хаккини ундириб олгонлиги айтилади. Юсуфжон аканинг сўзлашида бир неча оғиздан ошмагон бу хикоя, мазмун ва мавзуи жихатидан кизик ва бойдир. Бу хикоянинг «авжи жойи» галати бир «қўркинч» (трюк)ни кўрсатади. Режани яхши чизиб, уни бир адабий хикояга айлантирганда гўзал нарса чикар эди. Мен шундай киларман деб ўйлаб юрад эдим.

Шу йилги ўкиш мавсумида Москав драм истудияси, машхур Меерхулд театри актурларидан ўрток Свердлинга, бир мустакил асарнинг «тузма» (постановка (Ч.) сини топширмокчи бўлди. Таржима асарлар етарли бўлмогонлигидан асл (оригинал) асар кўймокчи эдилар. Ўрток Свердлин, истудиянинг кўрсатиши бўйинча, менга йўлиқди. Мен унга Юсуфжон акам хикоясининг кискагина мазмунини айтиб бериб эдим, маъкул бўлди ва боши-кетига кўринишлар кўшиб тезлик билан ёзиб беришга буюрди. Ана шу билан «Яна уйланаман!» деган — 3 парда 7 кўринишли асар майдонга чикди.

Шу йил апсрл ойида ўша асар Москавда кўпчиликка кўрсатилди. Бутун иттифок шўролар курултойига келган кийматли вакилларимиз хам керакли бўлакларини кўрдилар. Келгуси киш мансумида асар Ўзбекистон пойтахтида кўрсатилса керак.

Асарнинг «катта машки» (генерал репетицияси)ни кўрган ўрток Февралский (марказий «Правда» газетасининг театршунос мухаррири) «Правда»нинг 92 нчи сонида унинг тузмаси тўгрисида мана бундай дейди: тузмачи Л. Свердлин, испектаклда Оврупо ва ўзбек театрчилигидаги унсурларни бирга тўплагон. Яъни: бир томондан Шаркка хос кизик харакатлар берган, испектаклни ракс, ашула ва чолгилар (танбур, дутор, чилдирма, ногора, карнай ва бошкалар) билан тўлгизгон: иккинчи томондан Шарк халкининг ўлтириб гаплаша беришдаги «зериқдириш» таъсиrlаридан испектаклни куткарғон. Лекин, гаплаша бериш ва секин кимирлашдан кочилғон вактда албатта, жуда ихтиёт билан кочилғон: Шаркка хос у ахволнинг тасвиirlари хали хам испектаклда бор. Ўрток Свердлин, ўзбек турмуши билан ошналиги оркасида, турмушнинг энг кизик онларидан бир неча парчалар кўрсаткан (мачит олдиғидаги кўча, бойни хадим килиш, тўй каби), сўнгра ёшларни эски урфлардан йироклаша боргонини кесатиб ўткан.

Испектакл, режиссурлик жихатидан карагонда, эслилик билан, кизик килиниб ва шу билан бирга кўпчиликка онглашиларлик равишда кўйилғон. Сахнанинг ясалиши шартли (условно) ва содда (хаммаси бўлиб 130 сўм кетган)».

Ўрток Февралский, испектаклга аралашкон актурларга айрим-айрим тўқтамасдан, умумий суратда мана бу бир неча оғиз гапни айтиб ўтади:

«Ёш актурлар жуда кизикиб ўйнайдирлар; зўр кобилияtlари бўлғон бир неча актурларни

кўргандан кейин, Шаркнинг халк оммалари орасида кандай бой артистлик кучлари бўлгонлигини кўрасан».

Ўзбекистонда сахна кўрмасдан туриб, асар ва унинг тизмаси тўгрисида бундан ортиқ гапириб бўлмайди. Бу ерда шунигина айтиб ўтиш лозимдирким, ўзбек театри — хали ёш ва бола бўлишига карамасдан — турли театр маслаклари билан амалий танишишда кенг йўл билан бормоқдадир. Москав, драм истудияси, бу ернинг театр оламига галвалар солгон бир галати оким — Меерхулд окимини — ўз турмушига олиб кўрсатмак билан, кизик бир тажриба ясади. У окимнинг биздаги йўксуллар оммасига кандай таъсир килиш, ёкиб-ёкмаслиги, шу йил кишда англашиладиргон «сирлар»дан. Кўклам келди, ёз навбатда. Истудия ўқтабрнинг ўн йиллик тўйида чинакам сахна кўрадургон бу асарининг «мирзоси» (мухаррири демайман!) Юсуфжон акага, тузмачи Свердлинга, режиссур-кўмакчи Лутфулла, чолги раҳбари Мирўнуф, суратчи Ефиминко ўртокларга ўзининг миннатдорчилигини билдиради.

---

Яна уйланаман — «Ер юзи» журнали, 1927 йил 23-сон.

Юсуфжон aka — Юсуфжон кизик Шакаржонов (1869 — 1959), машхур кизикчи, ўзбек халкининг ардокли санъаткори, Ўзбекистон ССР халк артисти.

Свердлин Лев Наумович (1901—1969) — рус актёри, СССР халк артисти. В. Меерхолд шогирди. 1924—1931 йилларда Москвадаги ўзбек давлат драмстудиясида театр санъати сирларидан сабок берган.